



**Sámi  
allaskuvla**

Oahppoplána

## **Muitaleapmi, drámá ja filbma**

SÁM-1008

10 oahppočuoggá



## 1. Oahpu namma

Sámegillii: Muitaleapmi, drámá ja filbma  
Dárogillii: Historiefortelling, drama og film  
Eangalagillii: Storytelling, drama and film

## 2. Oppalaš dieđut oahpu birra

**Oahpu koda:** SÁM-1008  
**Dássi:** Bachelor, fágaoahppu  
**Viidodat:** 10 oahppočuoggá  
**Galli lohkanbaji badjel:** Ovtta  
**Oahpu lágideapmi:** Oahppu lágiduvvo neahttadoarjjaoahpahussan: Logaldallamat leat neahta bokte ja lohkanbaji áiggi leat moadde deaivvadeami Guovdageainnus. Fysalaš deaivvademiide ii sáhte searvat neahta bokte.

## 3. Oahpu gullevašvuohta

Oahppu gullá sámegiela ja sámi girjjálašvuođa bachelorprográmma fágaoahpuide. Prográmmastudeanta vállje juogo dán girjjálašvuođaoahpu dahje ovtta giellaoahpu (geahča prográmmaplánas).

## 4. Sisabeassangáibádusat

- Ohcci galgá leat čađahan jogo SÁM-1002 Láidehus sámi girjjálašvuođadiehtagii (10 oč.), SÁM 106 Sámi girjjálašvuohta (10 oč.), SÁM 111 Sámi girjjálašvuođa vuodđokursa (10 oč.) dahje vástideaddji oahpu.
- Dábálaš sisabeassangáibádusat alitohppui. Sisabeassanvuodđu sáhtá leat juogo oppalaš lohangelbbolašvuohta (čađahan joatkkaskuvlla, logahaga dahje gymnása) dahje reálagelbbolašvuohta. Oppalaš lohangelbbolašvuođa gáibádusat olgoriikkaohcciide bohtet ovdan *GSU-listtus*. Go oahppu lágiduvvo sámegillii, de olgoriikkaohcciide ii gusto dárogielgáibádus, vrd. [\*Forskrift om opptak til høgare utdanning § 2-2 \(6\)\*](#).
- Sámegielmáhttu.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáiigásaš giellan (moderna språk 200–300 čuoggá) dahje vástideaddji sámegielloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvoštallamii ja meannuduvvo dán vuodul.

## 5. Oahpahus- ja eksámengiella

Oahpahus- ja eksámengiella lea davvisámegiella. Muhtun logaldallamat sáhttet leat davviriikkalaš gielaide dehe engelasgillii. Oahpahus eangalsgillii ii dulkojuvvo. Eará gielaide oahpahus dulkojuvvo dárbbu mielde.

## 6. Sisdoallu

Oahppu oahpásnuhtá studeantta sámi teáhtera ja filmma áigeguovdilis fáttáide ja temáide ja drámáčállima mearkkašupmái sámi servodagas. Oahpu áigge studeanta oahppá dovdat sámi muitalangirjjálašvuoda mihtilmas dovdomearkkaid ja temáid, ja oktavuoda dálá sámi teáhterii ja filbmii. Oahppu láidesta studeantta sámi teáhterčájálmasaid ja filmmaid kritihkalaš guorahallamii, analyseremii ja árvvoštallamii.

## 7. Oahppanjoksos

Oahpu maŋŋá studeanta lea olahan dáid oahppanjoksosiid:

### *Diehtu*

Studeanta

- dovdá guovddáš sámi teáhterčájálmasaid ja filmmaid
- dovdá sámi muitalangirjjálašvuoda historjjá ja ovdáneami váldoáššiid
- dovdá sámi muitalangirjjálašvuoda mihtilmas dovdomearkkaid ja temáid, ja oktavuoda dálá sámi teáhterii ja filbmii

### *Máhttu*

Studeanta

- máhtá guorahallat, analyseret ja árvvoštallat sámi teáhterčájálmasaid, filmmaid ja muitalangirjjálašvuoda
- máhtá kontekstualiseret sámi drámáčállosiid ja filmmaid iežas áigodaga guovddáš temáid ja mihtilmas servodatlaš gažaldagaid hárrái
- máhtá guorahallat iežas válljen fáttá sámi drámáčállima genres girjjálašvuoda teorijaid ja metodaid mielde

### *Oppalaš gelbbolašvuohhta*

Studeanta

- máhtá guorahallat sámi teáhtera ja filmmaid servodatlaš ja kultuvrralaš mearkkašumi
- máhtá guorahallat sámi drámáčállima váikkuhangaskaomiid genre, stiilla ja ovdanbuktinvuogi válljemis
- máhtá fágalaččat searvat sámi teáhtera ja filmmaid guoskevaš áigeguovdilis ságastallamii

## 8. Oahpahan- ja oahppanvuogit

Logaldallamat, čálalaš barggut, filmmaid ja teáhterčájálmasaid geahččan ja árvvoštallan. Áigeguovdilis

sámi čájálmasteavsttaid analyseren ja dulkon ja/dahje čájálmashárjehusaid čuovvun ja vejolašvuodaid mielde gárvves čájálmasaid árvoštallan.

## **9. Gáibádusat beassat eksámenii**

Čuovvovaš gáibádusat leat eaktun beassat eksámenii:

- Joavko- dahje párrabarggu njálmmálaš ovdanbuktin, sullii 15 minuvtta
- Guokte 3–4-siidosaš čálalaš barggu

Barggut galget leat dohkkehuvvon ovdal go studeanta beassá eksámenii.

## **10. Eksámen**

Guđa (6) diimmu oktagaslaš čálalaš skuvlaeksámen.

Árvosánit addojuvvojit ECTS-vuogádaga mielde, mas A lea buoremus árvosátni ja E lea vuolemus ceavzinárvosátni. F-árvosátni mearkkaša ahte ii leat ceavzán.

## **11. Leago privatisttain vejolaš váldit dan oahpu?**

Ii leat.

## **12. Kvalitehtasihkkarastin**

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuohhta searvat árvoštallamiidda mat leat oassin kvalitehtasihkkarastinvuogádagas.